

Dr. Helgi Fjelds.

**Athugasemd við fyrirburðasögu
Jóns frá Starmýri**

Th 2/16.3.43

Aðsókn sú, sem Jón frá Star-
mýri segir frá í Tímanum í dag,
virðist benda til þess, að fram-
liðnum hafi verið mikill hugur
á að ná sambandi við hann, og
er ekki ósennilegt, að frá fróð-
legri tíðindum hefði verið að
segja, ef öðruvisi hefði verið við
snúizt. Hið rétta hefði verið, ef
tök hefðu verið á, t. d. næsta
kvöld, að skjóta á fundi (eins og
spiritistar segja) og freista,
hvort ekki mætti komast að
vitneskju um, hvers vegna vera
þessi birtist, eða verur. Og jafn-
vel þó að ekki hefði tekizt að
fá neitt sagt, þá hefði mátt
verða einhvers vísari með því
að gefa gætur að því, sem kom
í huga þeirra, sem voru að leit-
ast við að taka undir þessa
sambandstilraun, sem virðist
verið hafa. Einnig mætti gera
ráð fyrir, að þátttakendum
kynni að geta borið eitthvað
fróðlegt í drauma nóttina eftir.

Tilgangurinn með slíkri
sambandstilraun „handanað“,
getur stundum verið löngun til
að afstýra yfirvofandi háska, en
stundum aðeins löngun til að
geta sagt fréttir af sér og „ó-
kunna landinu“. Bezt er að
vera ekki hræddur, meðan ekki
virðist bryn ástæða til, eins og
Jón kveðst heldur ekki hafa
verið. Betra er að tveir en einn
taki þátt í slíkri tilraun, hérna
megin, og því meiri árangurs
vop, sem fleiri eru, ef um næg-
an samhug er að ræða. Marg-
föld reynsla sýnir, að árangurs
getur verið að vænta af slíkri
tilraun, ef oftast er reynt, þó að
ekki takist undir eins. Tilraun-
in mun takast betur, ef gert er
ráð fyrir, að ekki sé um neitt
yfirnáttúrulegt að ræða, og ekki

samband við anda og anda-
heim. Góður undirbúningur
undir fróðlegt framhald, er að
spyrja þann, sem sýnir sig, hvar
hann eigi nú heima. Mundi ein-
hver, sem barizt hefði góðri bar-
áttu hér á Íslandi, eins og ekki
er ólíklegt að þessi framlíðni
vinur J. frá Stm. hafi gert, geta
sagt margt fróðlegt frá Íslandi,
eða tilsvörum Íslands, á ein-
hverri annarri jarðstjörnu, sem
a. m. k. öðrumegin, væri stórum
betri en þessi jarðstjarna, sem
vér eigum heima á nú. Og hins
vegar mundi sá, sem misendis-
maður hefði verið, geta sagt
tíðindi af verra Íslandi en hér
á jörðu er. Því að svo virðist
sem vanalegt sé, að framlíðnir
eigi a. m. k. fyrst í stað heima
í landi, sem líkist því, er þeir
lífðu á hér á jörðu, en á betri
eða verri veg, eftir því, hvernig
hér hefir verið lífað.

Mér kom til hugar áðan, er
ég var að lesa hina merkilegu
einyrkjasögu Hákonar Finns-
sonar „að það mundi verða mjög
skemmtileg íslensk sveit, sem
hann flytur í, þegar „yfirum“
kemur. Mun Hákon þá verða
stórvirkur og hagvirkur þeim
mun fram yfir það, sem hann
hefir verið hér á jörðu — og
hefir þó verið með ólíkindum —
sem ástæður verða betri. Og
ekki þykir mér ólíklegt, að hon-
um mundi verða talsverður
hugur á, að geta fært oss hérna
fréttir af íslenskri sveit á ann-
arri stjörnu, þar sem ærið
margt væri til að undrast og
gleðjast yfir, og Íslendingum
frumlífsins gæti orðið til fyrir-
myndar.

9. marz 1943.

Helgi Pjeturas.